

雅園居士自敘

長洲顧子咸撰

吾宗相傳系出崑山自五世祖允齋公徙居崑山之西地名唯亭服田力穡代有隱德至王父蘭臺先生始以文章顯吾父恆甫先生繼起屢試不遇終老諸生吾母魯太孺人為勳衛家女生子六歲其三也余少多病疾年十三始操筆為文試學使者凡六年二十有三始受知於臺使三蘭倪公得補博士弟子員嗣是試輒高等已卯秋赴鄉試不售庚辰春先生捐館舍歲時年二十有八崩裂之餘痛自怨艾壬午服闋秋赴遺試入闈洪太守殿陳公閣牘已細加評賞末篇以山嶺水湄四字幾得復失乙酉夏我大清兵下三吳傳檄定會稽義者聚艘湖中自巾為號擅窺雉堞以致傾城避難兄弟奉母以行始築於沙河之南人雜音繁聲聞遠近小盜杭之鄉先瞰之聚艘湖中者又招之勢不得不徙乃與季弟依周莊之高氏又獨遷於陳墓之某氏村中乏食潛赴附郭困次竊餘粒以行渡澄湖風厲甚浪沫濺激

雅園居士自敘

戊寅叢編

衣盡沾濕夜半風益吼湖濱皆挈侶要朋過客不附者殺之自分此生已矣天將曙始得抵村舍後又遷於鴛湖依沈氏沈為長女所歸仲氏戚因僦居焉稍定乃歸故里冬十一月本朝開科取士南征兄得雋丙戌再行科舉以有所激憤憤下帷榜發獲中第十九名本房次卷為第二面主考為寧國司李漱霞陳公所薦貴州人主考為張中柱先生諱瑞山東掖縣人呂見齋先生諱崇烈山西安邑人季冬偕南征赴公車時山左主賊橫野訛傳舉子道經其里縛諸營中割截肢體慘酷萬狀同行者皆欲解裝歸余強之往棄車乘馬問道以進余雖有戒心而意氣不減維時張子無近諱王治太倉人季子治章諱振宜范子祖生諱龍無皆相繼於逆旅中恆大言曰三百人中常必有一席位我丁亥果成進士出山左王玄芝先生門諱丙進士出身選授甯晉令既受事新硯初泮似無所為盤錯者士民進而請曰邑之不

雅園居士自敘

戊寅叢編

足供神君設施民知之矣然有一二棘手事即神君恐未易辦余詢之曰邑之荒糧難清劇盜難捕也余漫應之曰是何難易俟諸余念治盜無他治盜而已治盜無他執法而已蓋盜匪於窩窩必富富則資緣以脫法可脫於郡邑亦可脫於兩臺大吏凡左右令史多其耳目起滅文移隨其意指故此緝彼縱下緝上縱陽緝陰縱官緝民縱盜何靖之有先招鄉勇之能騎射者給以衣食示之親信察捕快之點而敏者赦其護盜及收盜之月例歲例諸罪令密訪某某可招某某宜捕其可招者即開誠布公許以不死一月之內得盜魁七人籍其名與鄉勇合開則較獵郊原以講武備又時為開陳大義發其良心問語以某府某監司督捕汝案我反復陳說以生而身使之感且畏一日者語七人曰我生而身矣我欲盡捕若輩以安而邑若能之乎答曰公何輕言捕也吾之黨非小竊比持之愈則變生幸少需之某等寧敢忘報用是七人者揚言持之急狀且語以有備以解其志而陰解其黨乃密告余曰某盜匿某所余馳騎往先令七人誘之出諸騎蹕之不能逸如拉狐豚腐鼠從來盜之不靖山縣令無死盜之權也展轉辯駁而盜生拒械道塗而盜生強有力者日聒於耳而盜又生余刑訊得實皆立致之死餘遂遠遁此捕劇盜一案也甯晉賦額三萬有奇時近幾有除荒征熟之令甯應減賦之六已得請於撫按而胥吏索縣陋規不得輒以舊額徵催余痛切上書至再會部文又有查荒益額之行於是巡鄉社訪父老相其畝之高下戶之贏縮察其間豪強有力匿賦不舉攤其稅於細民之無告者甯晉分十八里里之掌冊者為里書余悉召致之授以素冊使盡供所隱又揭於通衢令各自首實緘其數於篋中擬隨宜釐定永為定例而是冬除日至調越之山陰不得竟吾志此清荒糧一案也外此民無雜役庭有餘閒日與廣文李君課諸生得士李培初王元晉等三十餘人賦詩考業嗣後科目半出其中又流寇亂時有孝廉張氏妯娌母女五人不受賊污爭死井中余表曰五烈泉以旌之令甯僅九月順治五年戊子春去任二月抵里門離太孺人膝下十有四月悲多於喜居月餘懇限日迫太孺人促之行束裝赴任初越東負錢塘險猶阻礙教追天兵臨江皆為獸散而不

軌之徒分竄山谷間附和日衆山陰吏役來迎者具道其狀余至武林謁撫軍蕭公  
元起公曰邑陷賊中好爲之至郭見兵船數百屯城下詰曰何官客曰新山陰令也兵  
皆匿笑是夕齋宿神廟兵突至呼新令曰需牛酒需芻粟需糧需餉余曰官未蒞任  
印未入手俟受印而後百物可集明晨余出謁道府衆皆近馬首喙余不爲動命皆  
役捧筆視至從馬首判以行食頃諸物畢昇縣庭庶有八每物分爲八輕重鑄黍較  
諸衡平乃歡然將之退次日憲檄新令偕八旗勦各山賊欲阻之不可出東門行二  
十餘里四面皆山中爲長蕩蕩側盡蘆葦惟見虛艇或維或解飄者觸者迎風而旋  
者如水而浮鷗衆遂爭先牽挽號於衆曰此奪得賊船可報功者前行不二里日方  
哺曠色照山頂立衣白人無算頭皆不裹亦有布裹者山塢中隱隱有旗幟飄揚而  
踉蹌攀緣石確間其足皆跳衆大聲指示余曰縣官爾見滿山皆賊乎於是環山挾  
矢立馬丘麓作登山狀衣白者皆散走惟獲老弱不及奔者縛而斬之得孩稚數人  
溺之河浮沈哀號余命駕舟者以篙投之樞兩手持篙將出水兵以利刃截手足皆  
斷余忿然作色曰樞子何辜身爲父母此輩皆吾子也若必欲殺吾子吾寧挂冠去  
耳兵少止然是夜月色暗淡復潛掠附近村落凡室中長物盡挾而有之又虜婦女  
百餘口扁之船底天將明雨如注婦女寸絲皆濕痛楚寒顫之聲沸耳余知其舟重  
欲返已無進勸意遂傳令旋師甫登岸余謂衆曰宵來所掠財物我不言掠婦女若  
毋汙以全婦節我亦不言衆首肯惟命過邑署不入唔道鎮具述其狀歸署急草數  
千言命捷足上之撫軍大略言此輩皆荷負鉅之子非斬木揭竿之徒治之一守  
令事耳何煩六師且極言軍興多費兵不可不撤兵不撤則民不歸民不歸則變民  
爲賊願寬一月限得便宜部署俾悉解散不效則斬令以謝天下之言勦者辭意感  
慨血淚十斛撫軍心動答以數百言皆獎借策勵之語手諭甫下而撤兵之令亦下  
顧桀桀未馴者疑兵退無備遂來窺城時四月二十一日余蒞治之七日也味爽課  
者報白頭賊數萬攻西郭余急披衣起時寧邑鄉勇及所招七人共二十騎相隨至  
越因謂之曰今日之事汝輩能戮力以破賊乎皆對曰願效死余深策馬騎翼而前

### 雅園居士自敘

戊寅叢編

遇鎮將吳某亦挾騎兵五十餘人並轡乘陣白衣賊緣城蟻附而上羣騎奮臂大呼  
皆辟易不敢仰視以刀揮之跪而受刃余亦手刃一賊俱踉蹌墮城下賊之在城外  
者見飛騎開門衝擊急駕艤船遁其緣城未上者皆蹶躓仆地相枕藉十里之外一  
望皆白追擊二十里獲八十餘人而還斬以徇回至府治局輪嚴密不得入至道署  
劍戟森然守衛甚固吳與余排闥入曰賊退矣乃出見先是撫軍手諭有侵及道鎮  
語賊復披猖深幸撫事無成新令言夸而無當於是復議請兵白衣賊偵知其故且  
悉新令欲生全之上書撫軍狀乃感激悔悟曰有令如此何忍負之若兵再至吾族  
無難類矣於是城鎗方啓肩摩踵登人手一香墳咽縣署號呼求撫余甫出視事即  
羣擁就輿肘而掖之以行余散遣輿衛止隨一吏一童子登舟篙櫓齊發比至一村  
燕香燃燭延入草堂衆皆羅拜余反復開導諭以禍福衆泣余亦泣若婦姑子女亦  
泣語未竟迎者復至挽行如前自辰迄酉履其地者十五六紆折行不下二百餘里  
暮則宿其家設雞黍爲之盡飽以草藉地軒臥竟夕如是凡五日又一日去益遠路  
益崎嶇問之土人曰此諸暨地慕公仁風村人願一瞻拜耳離公所轄百里離郡城  
三百里矣余初出撫時辭鎮道及府僉欲界勇士以衛余堅卻之余一日不歸則跋  
而望二日不歸則疑且懼三日不歸則徧訪而跡之四五日不歸度必不諱即幸生  
亦必拘縶須重賂乃脫及歸乃酌酒相慰勞因請於撫軍皆免死安插全活以數萬  
計前後未數日而撫事告成撫軍詫嘆曰顧山陰眞神人也余念賊甫歸農征輸迫  
必生異志乃七閱月不徵糧民安之自昔明也希神先是城之薦紳白衣賊時呢  
其隙出城不數武輒劫之去索餉不休得生而家已破及是戶得安枕且虎而冠者  
視神如凡上腊余哺之如雛皆感激涕泣入見因與講論因革事宜次第舉行方  
兵興時其鄉先達大節著者念臺劉公不食死周諒宗虎子郝公正襟投河死陳起武  
貞余公鴻寶倪公諱元巢軒周公諱鳳俱投縊死余博探所聞援明祖薄危素而  
祀余聞故事上之督撫謀之紳士祠於學宮之西偏額曰五賢祠又一陳時節者施  
任王城善誦集傳劉宋焯周十年高朗高晉楊等是秋浙閩鄉試直指趙公奉例同

### 雅園居士自敘

戊寅叢編

考官兼考治行課文藝余居首分校得士七人

一賜緋衣例候行取邑號繁劇一切治以簡旬日一視事日與其鄉之賢士大

夫走匿山水間高吟狂飲每月考校諸生拔其尤者為蘭亭會業人文濟濟一時稱

盛八年辛卯廷議川師海上檄郡縣造巨艦購桅木所至取役夫數千諸邑騷動余

密請於憲長得罷是役民無知者又省會為駐防滿州兵築城以居州縣分界以任

城工余出俸資結規畫民亦無知者九年壬辰冬又計吏再舉卓異賜袍服癸巳

秋始量移比部福建司計兩邑俸共七年時年四十有一十一年甲午春入都赴西

曹任主政初任例提半一月嗣半月更值一視獄餘無所事與諸曹郎詩酒自豪人

目為西翰林云九月魯太儒人卒於家十月聞計歸奔喪冰雪中日行二百餘里

歸家讀禮終喪不問戶外事十四年丁酉春服闋補比部湖南司時山左琳枝李公

歸家讀禮終喪不問戶外事十四年丁酉春服闋補比部湖南司時山左琳枝李公

歸家讀禮終喪不問戶外事十四年丁酉春服闋補比部湖南司時山左琳枝李公

歸家讀禮終喪不問戶外事十四年丁酉春服闋補比部湖南司時山左琳枝李公

歸家讀禮終喪不問戶外事十四年丁酉春服闋補比部湖南司時山左琳枝李公

歸家讀禮終喪不問戶外事十四年丁酉春服闋補比部湖南司時山左琳枝李公

歸家讀禮終喪不問戶外事十四年丁酉春服闋補比部湖南司時山左琳枝李公

歸家讀禮終喪不問戶外事十四年丁酉春服闋補比部湖南司時山左琳枝李公

歸家讀禮終喪不問戶外事十四年丁酉春服闋補比部湖南司時山左琳枝李公

歸家讀禮終喪不問戶外事十四年丁酉春服闋補比部湖南司時山左琳枝李公

歸家讀禮終喪不問戶外事十四年丁酉春服闋補比部湖南司時山左琳枝李公

歸家讀禮終喪不問戶外事十四年丁酉春服闋補比部湖南司時山左琳枝李公

歸家讀禮終喪不問戶外事十四年丁酉春服闋補比部湖南司時山左琳枝李公

歸家讀禮終喪不問戶外事十四年丁酉春服闋補比部湖南司時山左琳枝李公

歸家讀禮終喪不問戶外事十四年丁酉春服闋補比部湖南司時山左琳枝李公

歸家讀禮終喪不問戶外事十四年丁酉春服闋補比部湖南司時山左琳枝李公

### 雅園居士自敘

戊寅叢編

人自吳事遂得雲深陽陳相國名清剛勇於任事間拂上意令自裁其子戊選左

雲海郝公直隸涿州人以名御史忤旨亦擬戍同日就道余經營左右之不避嫌

怨秋調禮部寺提督兩科場獄與余磨勘省墨不為苛摘獲全者甚衆戊戌會試

充提調官時已有考選銓部之咨儀堂有不愜余者陽以是役推重而陰以沮之銓

部竟愆期以待時家宰高甫撤棘即上余名時江南同考選者三人毗陵吳來綏

引見各陳鄉貫世祖章帝獨詳詢咸郡邑部臣復以治行推選家特簡吏部驗封

司主事轉考功司適副郎之員正郎以疾注籍滿漢皆馳主稿互異爭執無已事多

寢廢余坦直無私每以數言折服之一日駕幸南苑職當隨班奏上臨軒注視曰

爾非蘇州人耶奏何事咸一一條對上笑頷之舊例官吏部以硃封鍵戶旁留而客

余獨撤其封有客必面而無促膝私語贈貽必卻若親故無所為者問亦拜之是秋

陞稽勳司員外郎冬轉考功司員外郎正郎李君君方以終養請而外計之册磨集

余當掌計因念功司典劇苦賢如陸贄裴諝才望過人猶兢兢其慎余以中才居其

會即潔已若不及恐以類名淹之遂決計以病請得旨予假一時奇之者半迂之者

半是之者亦半傾朝廷別投贈詩篇盈篋寄伯合肥張文毅公桐城方氏長君妻

閻次君邵村咸與余為同年友稱英逆交遷科場之禍園門戍寧古塔親故

皆斂足余奔走求救不得問所欲言兩君各言有幼女未字余以二幼子與之締姻

并撫其家子雲旂為子挾之以歸簡其裝僅數十金無以為舟楫資稱貸以行四月

抵家屏跡閑居闢鄰園廢址帖石栽花為菟裘計我祖父世居絃歌里舍南有曠土

俗呼野園兒時嬉嬉其地當指謂我他日當藉以作園意中經畫甚悉後從越歸即

其旁植榆柳已稍長成陰因壘土規池如村墅無粉飾撤牆與仲氏園併吳語野與

雅音相似易其名曰雅園未數旬海寇猝發勢甚危急或謀竄田野間余曰無庸脫

不幸吾輩無可生之身亦無可生之地鍵戶不出會大帥梁化鳳提兵來援寇大潰

方戒嚴時奸徒陰相約結欲修隙尋報復人情洶洶余素得桑梓心坐竹石間晏如

也十八年辛丑春正月世祖上賓數天同痛哀詔至撫司集紳士哭臨會有吳令某

### 雅園居士自敘

戊寅叢編

私盜酒米易值以媚無諸生某某職踐更者不能平因計令諸不法事撫某疑薦紳

與其謀諸生又以事不白奔哭孔廟吳中故習諸生事不得直即作捲堂文以備冠

裂之夫子廟廷名曰哭廟撫未之前聞張皇撫拾糾諸生驚大行抗國賦言皆反

側所為密以聞舉朝大震廷議遣滿部堂按狀撫恐得實謀所以自全因密屬推究

指使預謀者意屬於余滿堂諾之撫遂先檄監司某具諸生獄監司與令同鄉左袒

令令得直坐諸生以罪爰書成部堂抵江寧令甲騎縛諸生往問日一訊撈掠百出

務得指使名諸生堅不承極刑幾斃漫言計今日曾以劣款徇告鄉紳訊者急問紳

何名生首舉余以對乃不更問即檄道府逮余四月十二日大雨適梅樹間小園開

人奔告曰府守求見徑趨入倉皇出檄曰諸生訴令事部督諸公邀先生公勸余曰

是波及我也急呼小艇往十五日抵江寧晤同門鄧子元昭具述諸生所供迭揭事

為累余以送揭故套何地蔑有不為意翌晨驅騎促余入滿城竊訝何故急不少需

如是及至會訊之門入坐門側同年蔣子虎臣亦為金壇案逮至相對太息少頃衆

雅園居士自敘

戊寅叢編

焚痛念吾祖父讀書三世積德累行始倖登一第先帝顧盼所及授以銓衡尚乏涓埃之報而以非律死且坐以惡名何而目見先帝見吾祖父於地下乎淚咽氣塞怒忿填胸日惟飲水粒米不入口滿邇者長跪俯首各以物餉至夜分析者益嚴環伺無虛刻惟恐余之不甘於法也十八日外傳旨下獄中譁然託後事託家事託屍事嗚咽長號不絕於耳最亂心曲余乃倩朱大署其背某官某姓名及其兩股又大署其胸千古奇冤四字案衣冠而整之坐以待旦黎明召邇者告之曰臨刑之際俟我北拜吾君南拜祖父而後就刑勿忙亂應曰能衆皆失聲越二日向午有銓司共事賀姓手持片紙至獄呼七八囚以往頃之賀又來朗然呼余名余應之曰刑乎曰否出見諸僕羅拜道左淚盈眸前語曰得生矣至訊所賀先以前呼七八人往各受杖移時乃爲余解鐵索傳諭之曰奉旨以汝爲本朝官逆生送揭不看無他志釋爾罪復爾官毋忽也北向九叩頭東向長揖謝以出時四案中人俱大醉一官八十餘人特免陪役并免革職肩輿至寓見季弟子壯獅子訓相持大哭因悉五月二十日

雅園居士自敘

戊寅叢編

抄家之事律制凡罪擬籍沒疏上看守其家產人口得旨後行未有先掠如盜狀者先是籍撤下撫欲傾余家謀之中軍李某某從召郡守某守機夫也勇而前往又偕其佐朱君同知劉君正德及邑令劉君正德至門列坐流涕守獨攜心臂排闥入急搜其裝若篋若篋諸所有老妻二妾扶牀奔竄漏盡無栖地諸梟子皆星散越明盡收諸僮奴勒以供田宅所有老妻盡收置園扉長兒年十七亦因焉又密遣心臂踰牆而入凡古玩器皿書畫冊子搜取無遺先是余罹此難吳中人士萬口同聲街談巷語靡不唾罵而痛惜余每夜必焚香祝天會大旱諸司步禱民皆曰幸弘羊天乃雨及渡江過郡邑暮泊舟岸側爭相物色以無恙爲快及歸而傾城求見日數百人嗚呼余無罪故人冤之慘厥所由余性介不阿絕人過當達官長者素不干以私若地方利弊所關懷臂以起直言無隱往往觸當途忌諱當撫某之落吳也一日猝至余實他往疑故謝之不懌翼晨又來指從密語語移昇大都皆講情而余又答以道義退而言曰此老偏強利不可動將來



尤愈腐餘解簀簾已逾采石而橫欹枕折舟橫大江波濤洶湧其不入馮夷之宮者幾希先賴舟師及高人之附舟者竭力張帆乘風破浪返采石進港乃酌酒慶再生既歸值長夏以原稿畀余小子余小子藏諸篋笥幾二十年始以原稿授季弟進士用霖付之劊剛九原可作先生未嘗一日往也時康熙二十五年歲次丙寅冬十一月猶子嗣曾拜手跋於天平山居

先大夫於丁未春攜三兄嗣就婚秦補念先生官署歸舟自敘生平以稿授從兄嗣藏之篋笥冬十月為川娶婦即手授折箸訓言是時長兄仲兄仲

弟繼冠六弟延年方就外傳八弟嗣十弟嗣十一弟嗣俱在襁褓先大夫

以忠難餘生諸子幼穉不能少為分憂代勞疲精役神積漸成疾不二年遂捐館舍劬勞固極抱恨終天嗚呼痛哉追壬戌川成進士乙丑始為先大夫經營

窀穸越歲竣事從兄乃出自敘原稿付川距先大夫作敘時幾二十載矣手澤

如新音容不再迴環捧誦涕泗交頤急謀劊剛俾後世子孫知先大夫幼學壯行

### 雅園居士自敘

戊寅叢編

所以加澤乎民施德於鄉者永永弗沫也猶憶被難時川避匿於生母金宜人母族范氏聞合郡士民并鄉村父老每晨執香赴各神廟代為祈禱又為占問吉凶卜肆雜沓戶屢常滿謂與當日周吏部忠介公縱騎被逮時情事相等及先大夫得釋歸里傾城求見雅園三徑肩相摩趾相錯也此川所耳聞目擊者於是徵人心之公好三代直道猶存迄於今世風不古江河日下此道棄如土矣益可慨也夫四男川霖百拜謹識

余既表先生之墓矣讀其自敘作而自歎曰嗟乎先生蓋忠難中人也避白巾賊可死公車行賊營中可死知山陰招撫賊五日不歸可死豈獨諸生之獄足以死先生哉然而先生不死傳曰死不在寇夫人之以佚樂死其身者多矣忠難安足以死人且君子之處此益有味也不忘巾車功所以立也得之桑落之下學所以粹也未嘗知哀未嘗知憂勞危懼五者所以階也先生自敘其即以教子孫乎吾黨之聞豈止得三遂以語嗣部君而歸之同里後學韓英題

昔在乙亥予與松交先生同補博士弟子員相善也丙戌先生登賢書予中副車亦以同年視予又相得及令山陰予福舟訪之共飲臥龍山下當是時先生年壯志得以治行高等名藉其既涉銓司益出其才具馳驟聲靈問予固望塵弗及矣

亡何請急歸里乃求所謂野園者而經營之築臺沼築石樹木每春秋暇日招

予輩故人羈飲其中相樂不減少年時又能施德於鄉人鄉人交口譽之計公一

生出則為良有司作吏部處則為縉紳大夫之賢者且復有林泉書卷之適若將

終身可以樂而忘死矣然一旦閒居為凶人所齟齬竄入哭廟諸生獄欲置之死

即公自謂無生矣幸天子察其宛特旨釋之僅而獲免嗚呼亦危矣哉未幾彼凶

人移鎮南值吳逆之亂為衆饑食立盡蓋天道神明報施若斯之速也然公卒

緣他案罷官不出以一人之身朝被其榮夕罹其辱於是信禍福之倚伏世局之

變遷而歲月不可把玩也於西江舟中作雅園自敘紀其本末其悉時為丁未三

月越二年已酉先生遂捐館舍矣公殷距今二十六載其季子川霖與予子珍同

### 雅園居士自敘

戊寅叢編

登壬戌榜世好如初間持此卷呈予予老荒落之餘追尋遺事恍如夢憶公出獄過予草堂握手流涕歎為更生今事往人亡猶然談虎色變況親當其厄者乎時以同人譙集重經雅園池塘無恙花鳥依然而虛室塵封半就頽落斯人者已化為白楊衰草矣古人哀逝之文思舊之賦豈有異於予懷哉因復泫然而題其後康熙甲戌夏六月同年弟尤嗣拜跋時年七十七歲

考功松交先生與余少同里長同硯席其才氣雄傑則十倍於余以故成名進士為貴縣令以卓異躋銓曹采著朝右時當計吏趨走而營私者如鶻先生超然避嫌移疾歸里門敦故交而訓課其子弟不入長吏之庭地方有利弊輒譴言以告甚或面折其短長恥同劉勝之寒蟬而多為揚清激濁之論此古人行義者之所為今時則招尤叢怨之大者也東坡公好議論時政門人畢仲游上書云是其所是則是者喜非其所非則非者怨喜者未必濟君之謀而怨者多足敗君之事矣蓋懼口舌取禍豈不信然先生亦坐是為巡撫某所忌某僉人也作爲折節以

嘗試先生而不與呢因借諸生哭廟案陷為指使身被鎖鑊幾於肉糜骨碎家園殘破妻子困固善不可為一至是乎幸諸生忍死仗義舉朝復公論雖掩特恩昭雪復為完人天道猶未泯耳驚魂甫定旋累奏銷仕宦幾成畏途雖有園圃池臺足以樂志餘年而痛定思痛卒不能釋然於懷抱也是編之作歷敘生平存陳憂患其真有所不獲已乎余與先生死別已三十餘年每過雅園輒怡山陽之笛聞是編而累欷不置諸凡學問文章功名事業願其子孫世有之若立身廉讓之問勿與非類者抵觸其亦有所鑒觀也夫時康熙己卯秋七月海鶴老人褚篆撰時年九十有一

### 雅園居士自敘

戊寅叢編

吳文定王文恪公輩皆以惇龐渾厚蘊含元氣泊夫晚季詭隨成習而周忠公抗撓瑞禍一時士庶齊義而樂為之死繼以文文肅姚文毅公輩挺持名節匡扶末造雖滄桑變遷而宇宙正氣未至湮沒於吳中則數君子之力也先生服官蒞政固具精敏強幹之才而居鄉廉介激揚清議實為忠介文肅文毅公輩步趨其後故危身弗恤如此設天假之年縱使踰伏田間其足範後進而庇及鄉邦也豈有涯哉自先生歿迄今三十年所典刑凌替忽忽如隔世事定嘗獨居深念謂先生一身存亡乃吾蘇風俗人心升降攸關非阿私所好也當先生末年杜門養疾定至必令造密室解顏慰勞心衷靈傷失所依恃涸跡仕版疲爾滋恹輒與儀部君俯仰時時喟嗚涕涕今得先生自敘一編置手披讀生氣凜凜溢於楮墨間竊謂兩漢政事節義名臣諸傳具在是矣以之風世厲俗良非淺陋而區區窮通得喪死生延促之數又何足較論也與先君子晚先生詩曰為善學洵吉人獨能創創救凡民鄉邦殄瘁無悲仰豈為私恩淚滿巾又曰去住空悲夢幻身知君久

已證能仁人間好事動行偏歸向蓮臺問本真謹綴錄之以識先生之為先君子死友也康熙庚辰首春受業門人彭定求百拜書

### 雅園居士自敘

戊寅叢編

死矣撫臣朱國治移撫雲南吳三桂之變以刻剝軍糧將士饑而食之并骸骨亦無一存吳縣令任維初亦被後任撫臣韓世琦以別案梟首於江甯三山街即當時十八諸生縶首之地此可見天道之好還矣吾家以清白吏子孫世傳不絕絲絲翼翼公之後已傳十一世此益信廉吏之可為也丙子八月九世孫柏年謹跋

右雅園居士自敘一卷顧予咸撰案予咸字小阮號松交江蘇長洲人順治丁亥進士官吏部考工員外郎順治中朱國治巡撫江蘇橫暴為政屢興大獄所傳有奏銷通海等案衣冠駢戮天下冤之而十八年辛丑吳中哭廟一案諸生倪川資金人瑞等坐斬者十八人予咸性介不阿觸朱之忌遂被誣擬絞幸得直免死紀其事者有無名氏之辛丑紀聞哭廟紀略二書此為予咸得釋後自述生平較得諸傳聞者自為詳盡觀其釋罪歸來傾城求見日數百人蘇州府志亦謂沒後數十年里人為立祠祀之則其平日之風采峻整立身剛直動人

愛慕者可知已原有刊本久已無傳顧君子此從家譜中錄出爰付手民爲談  
吳中故事者資焉歲戊寅冬吳縣王大隆跋

余曾刻辛丑紀聞於又滿樓叢書中其紀載吳郡諸生因縣令盜賣漕米獻媚  
巡撫控告令不法而巡撫得賄庇右之於是諸生爲哭廟之舉會世祖賓天遂  
誣諸生震驚先帝興大獄朝廷遣大員來江寧按治駢戮十有八人并累及紳  
士顧松交先生身首幾異處幸得直免死余未嘗不太息痛恨於心也此雅園  
居士自敘即松交先生自述其一生閱歷於哭廟案言之尤詳余嘗謂滿人初  
入關於漢人風俗性情不免隔閡而哭廟案金壇案等及後來文字大獄遭慘  
殺者數百人大都皆漢人導而成之今清社已屋當時凶饑萬丈之酷吏早已  
絕嗣爲萬世吐罵而罹禍士類姓氏至今流芳試爲一較孰得孰失哉雅園居  
士即松交別號茲因自敘校付排印遂略書數語附後戊寅冬十有二月下旬  
崑山趙詒琛識

雅園居士自敘

十三

戊寅叢編